

Uqautigijaujuq

Hivuliqti unalu Hivuliqtiup Tuklia qujaginaa U.S Kivgaa pularutaanun Nunavunmun

July 12, 2023
Iqaluit, Nunavut

Ublumi Nunavut Hivuliqtia P.J. Akeeagok unalu Hivuliqtiup Tuklia Pamela Hakongak
Gross tunijaa una atauttikkut uqauti ilitaridjutikkut pulaarutaanun uumani U.S.
Kivgaanun Kanadamun, una Nanngarijaujuq David L. Cohen:

“Tujurumajavun quviahuutigijavun uumunga U.S. Kivgaanun Kanadam pulaarutaanun Nunavunmun talvanga July 9-12mun, 2023. Nanngarijaujuq David L. Cohen nuliangalu Rhonda akhuuqtuk katimaqatigijumavlugin Nunavunmiutat kangiqhijumaplutik aallangajunun atuqpiarutainnun nunallaaptingni.

Una pulaaruti tautuktijuq hakugikhijuummiqtumik pidjutiqatigiingnirnun Nunavunmi United States-milu, pidjutiniaqtuq amigiaqtijuummiqtunik havaqatigiigutini Ukiuqtaqtumi. Piqaqtugun atauttikkut pijumadjutinik taapkunani imaa hilaup aallanguqtirutaani, atanniqtuidjutini qajangnaidjutikhanilu, ingilradjutikkut, ihariagijaujuni ujaraujani, hapummidjutikkullu atauttikkut atuqpaktaptikni imarnik. Ilitarijumajaralu anginiqarniaq Nunavutip pidjutiqatigiignia Alaskamun taapkuununga atadjutiptikni Inuinnarni aallanilu ukiuqtaqtuni Nunagaqqaaghimajuni nunallaani.

Nannarijaujun aquiun ilauvaktun uvan Nunavunmi Ublungani hulidjutainnun tunngahuktita uvaktullu Nunavutim Kamisinaanin, Katimajiinnin Maligaliurvingmin, Iqaluit Miijaanin, Kanadamin Angujaqtinguanin, ilaujunillu havagvingnin nunaanin.

Kivgarijaujun aullaarutaa pilik hivuagun uuminga North Americamin Ukiuqaqtumi Ujaraujani Piqutini Havagvini Maliktakhanik Naunaijautinik Katimadjutimik ihuaqhaqtauhimajun uumanga U.S Havagvianin Amialicami, pihimajuq kingulirmi Aprilmi Iqalungni Kangiqlinirmilu. Una ilauhimajuq pulaarutainnun uumanga U.S. Havagvianin Iqalungnun Mittimatalingmullu Aprilmi, uvanilu U.S. Consul General Iqalungnun aippaangani Akatuupami. Kavamakput niriuktuq aulapkaijaami pidjutiqatigiipitingni uvani U.S. Embassy-mi naammagijaillu paannaqatigiigutit ukunani Americamin nuatqatiptiknin.”

###

Tuhaqtipkainikkut Uqarvigijakhaq:

Beth Brown
Tuhaumapkainikkut Titiraqti
Nunavutim Hivuliqtiani Havagvia
867-975-5059
Bbrown6@gov.nu.ca

ᐃᓄᓐᑲᓇᕐᑐᓪᓰ ᐅᐃᐱᐢᐣᐣᓪᓰ www.gov.nu.ca.
Statements are available in Inuktitut, English, Inuinnaqtun and French on www.gov.nu.ca.
Uqautit hailihimajun Inuktitut, Qablunaatun, Inuinnaqtun Uviutullu uvani www.gov.nu.ca.
Les déclarations sont disponibles en inuktitut, en anglais, en inuinnaqtun et en français au www.gov.nu.ca.

Tuhaqtipkaijiit